

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, br. 7/10 i 3/23), a u skladu sa članom 41. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25) i Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 004, Budžeta Zeničko-dobojskog kantona za 2025. godinu, pozicija „Tekući transferi neprofitnim organizacijama“- „Tekući transfer za zaštitu kulturno-historijskih spomenika“, broj: 02-11-2368/25., od 07.02.2025. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 83. sjednici, održanoj 30.05.2025. godine, d o n o s i

O D L U K U

o odobravanju sredstava sa pozicije „Tekući transferi neprofitnim organizacijama“- „Tekući transfer za zaštitu kulturno-historijskih spomenika“ u 2025. godini

Član 1.

(Predmet)

Odobravaju se sredstva organizacijama i ustanovama sa područja Zeničko-dobojskog kantona u iznosu od 50.000,00 KM (slovima: pedesethiljada konvertibilnih maraka) u svrhu sufinansiranja projekata iz oblasti zaštite kulturno-historijskih spomenika.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24.), razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, pozicija „Tekući transferi neprofitnim organizacijama“-“Tekući transfer za zaštitu kulturno-historijskih spomenika”.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu programa utroška sredstava sa tekućeg transfera za zaštitu kulturno-historijskih spomenika u 2025. godini, na transakcijske račune prema pregledu sačinjenom na osnovu javnog poziva, koji čini sastavni dio ove odluke.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.
(Izvještavanje)

Korisnici sredstava Budžeta namijenjenih za ovaj transfer dužni su najkasnije tri mjeseca po prijemu sredstava, resornom ministarstvu, dostaviti izvještaj o namjenskoj upotrebi odobrenih sredstava.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-11029/25
Datum, 30.05.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.

Pregled raspodjele sredstava sa transfera za zaštitu kulturno-historijskih spomenika u 2025. godini

Naziv organizacije	Projekat	Iznos sredstava (KM)
JU Opća biblioteka Maglaj	Delibegov han-naše kulturno-historijsko naslijeđe i turistički potencijal	3.000,00
JU Opća knjižnica Usora	Zaštita i afirmacija usorske kulturne baštine	3.000,00
JU Dom kulture „Edhem Mulabdić“ Maglaj	Uređenje eksterijera Uzeir-begovog konaka	5.000,00
JU Opća biblioteka Tešanj	Digitalizacija patriotskog lista 1992-1995	4.000,00
NIPD „Naša riječ“ d.o.o. Zenica	Čuvajmo naslijeđe za buduće generacije	2.000,00
JU Muzej Tešanj	Čišćenje lokaliteta sa stećcima na području općine Tešanj	1.500,00
JU Zavičajni muzej Visoko	VI faza projekta ubikacije, evidentiranja i rekognosciranja stećaka sa procjenom stanja oštećenosti	5.000,00
Medžlis Islamske zajednice Kakanj	Završno farbanje drvene munare, krova džamije u Kr.Sutjesci, krova šadrvana i ulazne haremske kapije, te ugradnja fontane unutar šadrvana	7.000,00
JU Centar za kulturu, sport i informisanje Olovo	Opremanje, zaštita i konzervacija eksponata etnografske i arheološke cjeline u Zavičajnom muzeju Olovo II	4.000,00
Udruženje Bosanska kuća Čardak	Istraživanja stećaka zavidovičkog kraja i čišćenje nekropole sa stećcima u selu Beše	3.000,00
Opća biblioteka Doboj Jug	Prikupljanje, obrada građe i izložba s arheološkog lokaliteta Gradina Mravići	1.500,00
Udruženje „Alternative“ Kakanj	Očuvanje kulturne baštine u Kaknju i Varešu	1.500,00
JU Muzej grada Zenice	Vranduk, kraljevski grad	6.000,00
JU KSC Kakanj	Muzealizacija kulturno-historijske baštine Kraljeve Sutjeske	3.500,00
UKUPNO		50.000,00